

二願一切有生咸皆悟道
 三願九夜幽魂一時解脫
 四願孤爽無依咸得受生
 五願天下太平五穀豐熟
 六願臣忠子孝君仁父慈
 七願四海會同冤親和釋
 八願階胞處卵咸得生成
 九願積疾新痾旋即痊愈
 十願孤露衆生豐衣足食

存神燒香

香官使者左右龍虎君侍香諸靈官當令臣
 晚朝行道之所自然生金液丹碧芝英百靈
 衆真交會在此香火爐前令臣等學道得道
 求仙得仙齋官受福幽顯霑恩十方仙童玉
 女接侍蘭煙傳臣向來所啓之誠速達徑御
 太上无極大道至真玉皇上帝御前

出堂頌

引至幕

謝師

靈寶領教濟度金書卷之二百三

靈寶領教濟度金書卷之二百四

洞微高士開光救苦真人寶金具投

靈寶通玄弘教水南先生林曹具編

科儀立成品

禳瘟疫醮儀

步虛 灑淨

衛靈

五星列照 煥明五方 水星却災 木德致昌

焚感消禍 太白辟兵 鎮星四據 家園利亨

名刊玉簡 字錄帝房 乘風散景 飛騰太空

出入冥无 遊宴十方 五雲浮蓋 招神攝風

役使萬靈 上衛仙翁 和與道合具

請稱法位

具位某謹焚香上啓

天符帝帥歲分王神五瘟氣候行化威靈天

瘟地瘟山瘟家瘟神君并瘟竈瘟陽瘟陰瘟

神君五瘟部從隊伍神衆天曹主執五瘟神

衆嶽府主執五瘟神衆當境主執五瘟神衆

今年某季準天敕令行災主病一切神明本

府本縣城隍主者遠近廟貌權衡禍福聖衆

虛空鑒察看望隨喜聖衆伏聞元始闢圖扇
 眞風於九軌虛皇撫運宏化日於三靈澄清
 宇宙之秋氛辟斥蒙瀛之故炁寒暑燥濕醜
 人事之乖常風雨晦明移天時之示變致令
 行於地癘而候應於天瘟匪賴矜原曷臻康

泰今齋主某拊躬三省勸志九思瘡疾連朝
 醫未臻於聖藥沈痾彌日卜莫際於神著惟
 九土之綱維屬五方之主宰敢陳禱祭庸輅
 吁期伏望月駟飄 肅前驅而莅止雲駉迅
 邁戒後從以來遊不道方寸之私式副再三
 之禱其不勝祈望激切之至謹當奉請

請聖 初獻

其謹焚香上啓

五瘟神祇列部眞宰及當境內外一切威靈
 伏聞上聖垂慈昭錫養生之訣下愚後德仰
 敷保命之方維黔黎疾辦於三因而恭昊仁
 同於一視若稽地變彝考天常八節四時有
 鬱發之起伏五運六炁兆勝復之循環女曹
 密總其樞機丹局潛握其政今周行五部巡
 遊八區惟業氛蘊結於身家故戾炁扇延於

啓處吹寒噓熱深雞頭鬼體之神明倒臥負
爐峻馬首人身之部從或流毒於溪澗或鼓
鑿於山林癘癘兆興疫癘倣起匪上析於帝
澤曷下拯於民生今齋主某十善莫修百非
夙著上天譴責形骸外襲於災殃下鬼詎誣
祭衛內傷於咎釁敷賒倉扁功邀岐黃覺經
絡之支離恍精神之顛倒伏牀積日拊枕呼
天故修保命之齋庸致回生之請所冀慈仁
廣覆惠愛垂憐救既往之愆尤消除災苦錫
方來之安樂釋散多災全金石草木以安和
俾出入行藏而快利室家胥慶頓無傳染之
虞閭里平寧未絕沉綿之患蒙如丹禱允荷
洪休某不勝折俟之至謹伸亞獻

亞獻

某謹焚香上啓

五瘟神祇列部主宰當境內外一切威靈伏
聞善惡天報猶影響之相隨禍福已求若鼓
桴之胥契凡民情過功而莫掩皆神司懲勅
以無差今齋主某明發彷徨夙宵戰慄慮轉
輪於往世與流浪於今生三惑莫除四維不

戒彰忠孝於事君事親之際失謙和於處家
處族之間古在堪誇任是非之顛倒目成可
羨忘空色之迴旋迷蠅頭而心慕虛名徇蝸
角而志圖微利六根自恣五賊常興致愆書
里杜之曹而罪具鄉閭之職月申日結昭憲

令於紫虛歲時參降災危於黃混故度卷
而內省違悔艾以及觀捨舊圖新昨非不習
修來改往今是爰彰伏願上鑒齋忱下昭真
貺通災氣而收欽戴肅清涼斥故炁以蠲除
精神奉定教部伍毋侵於井落戒官屬移按

於封隅禹迹茫茫均是三天之赤子堯疆蕩
蕩毋傷九地之蒼生即保齋主某藥奏十全
災逃九橫金花潤曉挹承日於壺天玉樹凝
霄宴青春於福地門庭寧謐舍宇光輝次冀
六畜孳繁無干時令百昌茂育自得生全蒙
封菲之不遺鑿藿葵之有造某不勝虔切之
至謹伸終獻

終獻

告符

某謹焚香上啓

五瘟神祇列部具宰當境內外一切威靈伏

聞至敬無文敢罄再三之瀆大禮必簡俗伸
萬一之忱寶齋既接於崇壇玉體復鋪於法
席願垂終惠式印初忱俾久病以復形使枯
骸而再肉仰蒙厚德當際洪恩百和煙微諒
仙仗之祇返千枝爐冷冀神馭之將興莫挽
具存惟增意德某不勝攀戀之至謹稽首再
拜奉送

迴祈頌
向來

靈寶領教濟度金書卷之二百四